

# Tiwei Pol Kewisik Ken Failimon

## Menmen me tiwei ik

Pol katip mitik Failimon him gude 1:1-3

Pol kewenipi niuk me Failimon 1:4-7

Pol kitehi Failimon hirak naanmampre Onisimas 1:18-22

Pol katip Failimon him mikaru 1:23-25

---

<sup>1</sup>Hi Pol hi hepu hekre winak enuk ke gavman hentar him me Jisas Kraiss hi atip mit em. Hi hetike kiau yinak Timoti, hawir wik wewis tiwei ik wesiuwerek ken ti Failimon. Ti kawir yaaik, haiu miriak menmen miutip. <sup>2</sup>Hawir ap weswut ti kiutipen tiwei ik au. Hawir wesiuwerek kakno mit ne weiwik me God kerek nau nererik neit winak kit eik, hir netike Apia yenten pawir wetike Akipas. Hirak kiriak menmen kar ke hawir wiriakem.

<sup>3</sup>Hi hanhan God Haai kiau ketike Mitik Iuwe Jisas Kraiss han yaaik kirakit hirak kaku kaktikewi, yi eiyu werek werek.

## Failimon kises him me Mitik Iuwe

<sup>4</sup>Hekrit hekrit hi hitehi God, hi hetpiwek hirak yaaik hentar <sup>5</sup>hi hemtau ti ehises Mitik Iuwe, ti hanhanek hirak ketike mit hir nises him mirak. <sup>6</sup>Hi hitehi God te hawir wetikewi wewepnak me menmen me God, hirak kakikepit te ti ertei iuwe menmen yapirwe me God haiu metiwem hiram mamkepai wisenum, haiu emises him me Kraiss werek werek. <sup>7</sup>Kai yinak yaaik, hi han yaaik wisenuk hau werek werek hentar ti hanhan mit ne weiwik me God ein, ti ekepi hir han tokik nepu hir nau werek werek neriuwe menmen me God.

---

<sup>a</sup> 1:1 Ef 3:1   <sup>b</sup> 1:2 Kl 4:17; 2Ti 2:3   <sup>c</sup> 1:3 Ga 1:3   <sup>d</sup> 1:4 Ro 1:8-9   <sup>e</sup> 1:6 Fl 1:9; Kl 1:9  
<sup>f</sup> 1:7 2Ko 7:4

**Failimon pike kakithis Onisimas hirak kire kirak yinak**

8-10<sup>g</sup> <sup>h</sup>Hi han kitet menmen im ti hiriak mit em hiram menmen yaaim. Hi ami hituthi ti eriak menmen yaaim me nikan kai Onisimas. Hi hire haai kirak hentar hi heit winak enuk ke gavman, hi hekepek hirak kises him me God. Hiram werek te hi etput him iuwe menmen im hekrehir ke Kraiss hentar hirak kehimitena hi mitik iuwe, te ti ehisesim. Au, hi hinapen etput him iuwe au emit! Hawir hanhanakit, te hi hinapen. Hi Pol hi enuk epei he mitik hi heit winak enuk ke gavman hentar him me Jisas Kraiss hi atip mit em. Hi hare hituthi ti ariak yaaim me nikan kai Onisimas. <sup>11</sup>Ti hertei niuk mirak matip mar im: “Hirak kikaap mit,” te nipaa hirak kiriak menmen hirak ap kekepit au. In ek hirak kises him me God te hirak kiriak menmen yaaim kekepawir. Hirak kekepit, kekepa.

<sup>12</sup>In ek hi epei esiuwerek kan kirit. Hi han in han kitetik.

<sup>13</sup><sup>i</sup>Hi hanhan eriuwerek, te hirak kaktikewa kaku in kakikepa kerek hi wen hepu winak enuk ke gavman hentar him me God. Te hi hepu in ti ekepa. Au, ti hepeit ein, te hi hanhan hirak kekrehir kit kekepa. <sup>14</sup><sup>j</sup>Hi epei hesiuwerek ken ein. Hirak ap kau ketikewa au. Hi ap etenenik ere hi heswut tiwei eituthi ti ewenhi hirak kaku in, te hi esiuwerek ken ein. Hi hinapen ti yink enuk hentar hi etenen mitik kit ere ti ewenhi, te hi epei hesiuwerek ken. Hi hanhan ti eriak menmen ti ehises han kit ek. <sup>15</sup>Hi han kai katip kar ik: “God kewisik hirak kinaiwirit kirir ken keit ein wi ham kentar maain hirak ap pike kaknen <sup>16</sup><sup>k</sup>kakir ke mitik kit kiriak wok mit taau! Hirak kakre kit yinak yaaik kaku kaktikewit. Hi hanhanek iuwe. Ti au ti tewen han teweninek wisenuk hentar hirak kit yinak yaaik ke menmen me Jisas, hirak mitik kit kiriak menmen mit.

<sup>17</sup>Te ti han ektip hi wariyakit kit, te han kit ektip mitik hak eik ekpire hirak wariyakit kit ekpar kerek hi wariyakit kit. Hirak Onisimas kaknen, ti etiwekhis. <sup>18</sup>Hirak kerekyut menmen enum kekintip menmen kisawinem, te ti ehitauhi me menmen hirak kekintipem. <sup>19</sup><sup>l</sup>Hi Pol hi hewis him im me his mai hirekes, te hi hirekes pike ewetitem. Nipaa hi ekepit, te ti eweikin han hises him me God, te ti eweto menmen me im em au. <sup>20</sup>Te kai yinak, ti erekyo menmen yaaim im. Ti naanmipre Onisimas kar ke ti naanmimprau. Ti eriak menmen im mentar hawir wises Mitik Iuwe, te hi han yaaik eriuwit.

<sup>21</sup>Hi ewisut tiwei ik ke han kai katip ti ehises menmen hi hetputem. Au, hi hertei ti ehinin menmen im hi hituthiyem. <sup>22</sup><sup>m</sup>Maain Onisimas kaknen kakiun ein, ti etiwek his ti wen naanmamriwek yaaik ti erekyiwek haau mai mamantar hi hanhan God kakimtau menmen yi

<sup>g</sup> 1:9 Fl 1 <sup>h</sup> 1:10 Kl 4:9; 1Ko 4:15 <sup>i</sup> 1:13 Fl 2:30 <sup>j</sup> 1:14 2Ko 9:7; 1Pi 5:2 <sup>k</sup> 1:16 1Ti 6:2  
<sup>l</sup> 1:19 1Ko 16:21; Ga 6:11 <sup>m</sup> 1:22 Fl 1:25, 2:24

yitiwekhi ke hi, te hirak kaksiupena hi anaaiwir winak enuk ke gavman, hi anen ari.

**Mit hir natip gude men mitik Failimon**

<sup>23</sup>Hi hetike Epafraſ wau wekre winak enuk ke gavman wentar him me Jiſas Kraiſ. Hirak keſiuwe him ketput ti yaaik. <sup>24</sup>°Mak, Ariſtakas, Dimas tetike Luk hir netikewawir haiu miriak menmen me God. Hir neſiuwe him natip ti yaaik. <sup>25</sup>Hi hanhan Mitik Iuwe Jiſas Kraiſ han yaaik kirak kaku kaktikewi.

**Mepir keremem**

---

<sup>n</sup> 1:23 Kl 1:7   ° 1:24 Kl 4:10, 14; 2Ti 4:10-11